

1985  
e  
Huntu cu ERA, Name y Frank & Friends

# DIA 11 AUGUSTUS PROME PRESENTACION DI KARMA

WILLEMSTAD- E agrupashon, musical KARMA, despues di a lansa un longplay basta exitoso riba mercado local, lo bai hasi nan prome presentacion publico dia 11 di augustus proximo na Hotel Holland, ademas di e bandanan Name, ERA, y Frank and Friends.

Ultimamente nos por a tende e piesanan hit di KARMA, manera "No yora", "Pa mi ta feliz", "Pa Semper" y "Ta rasta mi ta".

Riba e longplay tin 8 piesa di cual Kaykoesi ta ocupa puesto number 3 den hitparade na

Surnam. (Kaykoesi ke meen un indjan luchadó).

Number di e agrupacion KARMA ta nifica: "Tur bon y malu cu tin, hibe le dilanti" y e banda musical ta trece esaki dilanti cu nan musica.

E banda ta consisti di seis persona ademas di e manager Cyril Pater.

KARMA a lanta den luna di februari y ja den juli nan a lansa nan prome disco riba mercado. Normal ta asina cu bandanan ta cuminsa toca y despues produci disco pa nan promocion, pero serca Karma e idea

tabata otro; nan a train, produci un disco y e disco mes ta propaga loke e banda tin aden.

Nos a compronde di sr. Pater cu despues di dia 11 awor nan proximo presentacion ta probablemente dia 14 den Love Boat y muy posiblemente dia 16 y 17, pa e weekend siguiente nan subi pa Boneiru.

Kaarchi di entrada pa e fiesta di dia diesun ta obtenibel na La Bonanza, Van Dorp/Edinne Dinamite Disco y Mensingh Caminada.

E agrupacion musical ta trahando riba su di dos longplay caba.